



Bwilij an Oregon State
Jejjet Kütien Keeañ kōn
Idiñ - Kajjitōk im Uwaak ko
OSP Mejeje ko Ilowaan

Raan 03/24/2020

Ilo am kajjioñ in uwaake kajjitōk ko ekkar ñan Wōtar in Kōmman an Governor 20-12 im emmakikij aṃiwaj kajjitōk kōm kaki, “Pād wōt Mweo, Kōjparok Mour,” Bwilij an Oregon State ej leḷok ennaan in rōjañ kein.

Men kein rej “martial law” (bwilij ej bōk eddoin aolep) ke?

Jab, ejañin epaak. Ejjeḷok curfew (kakien kōn awa in pād inabōj) im ejjeḷok jemḷokin an juon armej eṃmakūtkūt iuṃwin Wōtar in Kōmman an Governor eo. Meñe wōtar eo ej leḷok kōmmejeje kōn etto ilo iien kakkobaba, an ejejjet peeñej ko rej ikkiil im kōn iien kakkobaba me rejjab ḷap aikuñ- ejjab kanooy in kōjjeṃḷok an ri-Oregon eṃmakūtkūt.

Ij aikuñ ke peba ko jān ri-kōjjerbal eo aō ñan kamool ke ej aikuñ bwe in jerbal?

Jaab. Wōtar in Kōmman an Governor eo ej kilōk jet peeñej ko rejejjet wōt, me eṃōj kōllaajrak ilo ṃōttan (2). Peeñej kein rej kowaḷok menin kōmman ko me renaaj kaapañ aer bōbrae kepaake ro jet. Wōpija ro rejjab kajjitōk ak pukote jabdewōt kain peba ko rejenolok jān ri-kōjjerbal eo aṃ.

Ij aikuñ ke juon peba in kōjjeḷā ejenoḷok ilo kaar eo waō, ñe ij itān jerbal, ak ñe ij tūraib kōn jerbal eo?

Jaab. Ejjeḷok peba ko ak peba in kōjjeḷā ñan armej ro me rej itān jerbal ak menin kōmman ko eṃōj kōmālim.

Renaaj ke kabbōjrak ña ñe ij tūraib ilo highway eo?

Ejjab kōn aṃ rupe Wōtar in Kōmman an Governor eo, me ejejjet im kōllaajrak ad kajjioñ in bōbrae iien kakkobaba reḷap- im jab bōbrae an ri-Oregon ro eṃmakūtkūt. Bōtaab, ñe kwōj rup kakien ko ikijjen tūraip ak kwōj kōmman bōd

me kōm enaaj jejjēt kūtien kaki nē ejjeļok wōtar eo, kōm enaaj bōlen kabbōjrak eok, āinwōt ilo jabdewōt raan.

State lain ko rej ikkiil ke im elōñ ke jikin bōbrae iaļ ko?

Jab, wa ko remaroñ eṃṃakūtkūt im ejjeļok menin bōbrae ilo Oregon im state ko iturin. Ejjeļok kein bōbrae iaļ ko ak kein kōjjeṃļok an wa ko eṃṃakūtkūt. Washington state ej eṃṃakūtkūt iuṃwin juon wōtar āindein jān Governor eo aer, im ri-Oregon ro ren kile ke elōñ kakien kein nē rej ito-itak ilo state eo aer.

Elaññe peeñej eo aō ej ikkiil, imaroñ itān jerbal wōt elaññe ri-kōjerbal eo aō ej kōmakokoik eō? Rejāmin po eō ke?

Meñe wōtar eo ej kōmō an armej kakkobaba ilo juon peeñej eikkiil, enaaj bōlen wōr wōt jerbal ko me ri-kōjerbal eo ej aikuj in kōṃṃan ie. Nē ri-jerbal ro rejjab kōṃṃan peeñej me eṃōj kōmō ilo Wōtar in Kōṃṃan eo, eṃṃan wōt aer pād wōt ilo jikin jerbal eo. Kwōjjab aikuj juon “baaj” ak jabdewōt peba ko.

Jikin kakkije ko repelļok ke?

Aaet, ekkā. Jet jikin kakkije rekoba ippān meļaaļ baak ko, im reikkiil kiiō nān ļoore Wōtar in Kōṃṃan eo.

Bwilijmāān ro rej ke po ak leļok tūkōt nān armej ilobwilej ak nē rej rupe Wōtar in Kōṃṃan an Governor eo?

Kōm emaroñ in po ak leļok tūkōt nān armej me rej rupe Wōtar in Kōṃṃan an Governor eo ilo juon iien Keeañ kōn Idiñ, juon men me ej misdemeanor- alen kōṃṃan bōd ettātata aer ṇaetan. Aolep ri-jejjēt kūtien kakien ko an Oregon rej jīmōr ļōmṇak ke rekanooj in jab koṇaan kōjerbal menin kōṃṃan ko an bwilij im kōmij kōṇaan katakin ri-Oregon ro elaññe rej kakkobaba im rupe Wōtar an Governor eo. Leļok tūkōt ak po armej ej menin kōṃṃan ekanooj in āliktata wōt nē juon armej elikjab ilo an ļoore an juon wōpija in bwilij kauwe.

Ak elaññe nājū rej bōlen kakkobaba ilo juon jikin im ikar jab kōmālim, āinwōt juon jikin jikeet?

Bwilijmāāṇ ro rejeļā ke ekkā an nājid ajri jab ļoor an ro jineir im jemeir rojañ er im renaaj bōlen kōjkeḍoṇ aer rōjañ er nē remoot. Āinwōt nē rej loe rūtto ro me rej kakkobaba ilo juon jikin, wōpija ro renaaj bōlen kepaake jōdikdik ro im katakin er

kōn wōtar eo. Enaaj bōlen jeja am leḷok tūkōt ak po armej, im kōmij dāpij men in wōt n̄an iien ko reḷap nana.

Imaroñ ke etetal im eñwōr wōt?

Aaet. Ri-Oregon ro remaroñ in ikkure inabōj wōt, elaññe aer ikkure ej kōpooḷ menin kōmḡman ko me rejjab keepaak im uññūri ro jet im remaroñ dāpij kakkobaba-etto me ekkar- me eḡōj kaalikkar āinwōt 6 ne ak ettoḷok jān ro jet. Ri-Oregon ro im ri-lotok ilo state in ad ren kile ke enañin aolep jikin camp im jikin lemetoḷok booj ko reikkiil, im kwōn ekkatak ikijjien plan ko aḡ mokta jān aḡ itān ikkure.

In ke kūri 911 n̄e ij loe armej me rej kakkobaba?

Jaab. Alen aer rup kakien ejjab ekkar n̄an ripoot āinwōt idiñ ikijjien bwilij, kijeek ak wūno ilo 911. Armej remaroñ in kāālōt n̄an katakin ḡōttaer ri-Oregon ak n̄e rej loe juon iien kakkobaba eḷap, remaroñ in kūri talboon nōḡba eo an bwilij agency eo ekkar me ejjab kōn idiñ.